

聖武記

223786



中華書局印行

聖武記

《四部備要》

史部

上海中華書局據古微堂
原刻本校刊

桐鄉 陸費達 總勘

杭縣 高時顯 輯校

杭縣 吳汝霖 校

杭縣 丁輔之 監造

版權所有 不許翻印

聖武記敘

荆楚以南有積憾之民焉生於乾隆征楚苗之前一歲中更嘉慶征教匪征海寇之歲迄十八載畿輔靖賊之歲始貢京師又迄道光征回疆之歲始筮仕京師京師掌故海也得借觀史館秘閣官書及士大夫私家著述故老傳說於是我生以後數大事及我生以前上訖國初數十大事磊落乎耳目旁薄乎胸臆因以溯洄于民力物力之盛衰人材風俗進退消息之本末晚僑江淮海警奮至愾然觸其中之所積乃盡發其積藏排比經緯馳騁往復先出其專涉兵事及嘗所論議若干篇爲十有四卷統四十餘萬言告成於海夷就款江寧之月乃敬敘其端曰天地以五行戰陰陽聖人飭五官則戰勝於廟堂戰勝廟堂者如之何曰聖清尚矣請言聖清以前之事今夫財用不足國非貧人材不競之謂貧令不行於海外國非羸令不行於境內之謂羸故先王不患財用而惟亟人材不憂不逞志於四夷而憂不逞志於四境官無不材則國積富境無廢令則國柄強積富柄強則以之詰奸奸不處以之治財財不蠹以之蒐器器不竄以之練士士無虛伍如是何患於四夷何憂乎禦侮斯之謂折衝於尊俎嘗觀周漢唐宋金元明之中葉矣瞻其闕夫豈無幾令詢其廷夫豈無充位人見其令雷行於九服而不知其令未出階闈也人見其材雲布乎九列十二牧而不知其材堪充於灌莽也無一政能申軍法則佚民玩無一材堪充軍吏則教民狂無一事非耗軍實則四民皆荒佚民玩則畫箠不能令一羊教民狂則蟄雷不能破一繭四民皆荒然且今日揖於堂頭日觴於墮後日詈於

藏以節制輕桓文以富強歸管商以火烈金肅議成湯奚必更問其勝負於疆場矣記曰物恥足以振之國恥足以興之故昔帝王處蒙業久安之世當漢汗大魏之日必兢兢然以軍令飭天下之人心皇然以軍事軍食延天下之人材人材進則軍政修人心肅則國威遠一喜四海春一怒四海秋五官強五兵昌禁止令行四夷來王是之謂戰勝於廟堂是以後聖師前聖後王師前王師前聖前王莫近於我烈祖神宗矣書曰其克詰爾戎兵以陟禹之迹方行天下至於海表以觀文王之耿光以揚武王之大烈用敢拜手稽首作聖武記

道光二十有二載元凱攝提格之歲孟秋相月哉生魄內閣中書舍人邵陽魏源敘于江都絮園

聖武記目錄

卷一 開創

開國龍興記一

開國龍興記二

開國龍興記三

開國龍興記四

開國龍興記五

卷二 藩鎮

康熙戡定三藩記上

康熙戡定三藩記下

卷三 外藩

國朝綏服蒙古記一

國朝綏服蒙古記二

國朝綏服蒙古記三

康熙 親征準噶爾記

雍正兩征厄魯特記

卷四 外藩

乾隆蕩平準部記

乾隆戡定回疆記

乾隆綏服西屬國記

乾隆新疆後事記

道光重定回疆記

道光回疆善後記

卷五 外藩

國朝撫綏西藏記上

國朝撫綏西藏記下

西藏後記

乾隆征廓爾喀記

卷六 外藩

國朝俄羅斯盟聘記

俄羅斯附記

國初征撫朝鮮記

乾隆征緬甸記上

乾隆征緬甸記下

乾隆征撫安南記

卷七 土司苗徭回民

雍正西南夷改流記上

雍正西南夷改流記下

乾隆初征金川土司記上

乾隆再征金川土司記下

國朝甘肅再征叛回記

乾隆湖貴征苗記

嘉慶湖貴征苗記

道光湖粵平徭記

卷八 海寇民變兵變

國初東南靖海記

康熙戡定臺灣記

康熙重定臺灣記

乾隆三定臺灣記

嘉慶東南靖海記

康熙武昌兵變記

嘉慶寧陝兵變記

乾隆臨清剿賊記

卷九 教匪

嘉慶川湖陝靖寇記一

嘉慶川湖陝靖寇記二

嘉慶川湖陝靖寇記三

嘉慶川湖陝靖寇記四

卷十教匪

嘉慶川湖陝靖寇記五

嘉慶川湖陝靖寇記六

嘉慶川湖陝靖寇記七

嘉慶川湖陝鄉兵記

嘉慶畿輔靖變記

卷十一

武事餘記兵制兵餉

卷十二

武事餘記掌故考證

卷十三

武事餘記事功雜述

卷十四

武事餘記雜武五篇

是記當海疆不靖時索觀者衆隨作隨刊未遑
精審閱二載重訂於蘇州又二載復重訂於揚
州如征苗征緬甸及道光回疆向止一篇者今
皆增爲上下篇其全改者如廓爾喀俄羅斯等
篇其半改者如雍正征厄魯特篇其餘諸記亦
各有損益至武事餘記第十三卷舊多冗
沓今移其瑣事散附各記之末而更正其體例
是爲 聖武記第三次重訂本道光二十有六
載魏源識于揚州旅次

聖武記卷一

開國龍興記一

邵陽魏源撰

維帝軒轅畫井始遼粵及有虞州割十二而遼以西則割冀東北境是為幽州遼以東則割青海外境是為營州于是有古孤竹之虛有古肅慎氏之國在今遼西錦州府地肅慎國在今遼東吉林寧古塔地肅慎即女真之轉音世失肇麟射之本俗至漢分爲三韓蓋三天官書曰中國山川其維首在隴蜀其尾沒于碣渤蓋東方出震天地所以成終而成始旁薄鬱積數千年以有 大清國 大清國之興也肇有金遼部落繼兼有元裔之蒙古 繼兼有朝鮮又繼有明之關外金遼語言相同之國也蒙古語言居處不同而衣冠騎射同之國也至朝鮮及明則語言衣冠皆不同故我 太祖 太宗用兵次第亦因之爲先後其朝鮮蒙古事屬外藩別爲篇今特先其收服滿洲諸部者冠于伐明之前以昭造攻自毫之本

自山海關以東 留都之地統以 盛京吉林

黑龍江三將軍吉林爲滿州舊國 始祖所都之

寧古塔在焉黑龍江爲遼金舊國金起混同江而索倫則遼裔也遼起上京即今黑龍江北之呼倫貝爾地也金則起于黑龍江南在白都納之

東二三惟 盛京稍東之 興京則 肇

興 景 顯四祖及 太祖發祥之地舊

名赫圖阿拉在蘇克素護河嘉哈河之間西距

盛京二百七十里東距寧古塔千二百里始祖居俄漠惠之野在寧古塔西南三百餘里野多里城故四祖雖遷建州仍無寧古塔貝勒我朝未得遼瀋以前四世咸宅于茲即明代之建州右衛也我

太祖高皇帝生明嘉靖三十有八年朔之

肇祖當在明正統景泰之際由 肇祖而上至長

白發祥之 始祖當在遼金末造矣據開國方略

不遜始祖傳數世而遼難又數世而太祖實爲拉貝勒布占泰祖生當

愛新覺羅上天降生數世以來遠近欽服爾不我

百世以前事登十世以來亦不知耶此世數不遠之

則明萬歷十有一年 太祖年二十有五國人號

聰睿貝勒以 景 顯二祖之營起兵討尼堪

外蘭率甲十三襲之于圖倫城尼堪外蘭倉卒遁得

甲三十卒百人以歸又討之于嘉班城于撫順邊外

皆不獲初 景祖世兄第五人各築城環赫圖阿

拉而居遠者二十里近者五六里皆稱寧古塔貝勒

方 太祖起兵也同族之附明者謂尼堪外蘭爲

明所善懼 太祖招徠於明聚善 堂子屢謀

除害 太祖有衆一放克北嘉城瑪爾墩城皆險

固之區或鑿磴東馬而登或單盾冒矢石而克同族

擊服萬歷十是時諸國分裂滿洲國之部五曰蘇克

素護河曰渾河曰完顏曰棟鄂曰哲陳長白山國之

部二曰訥殷曰鴨綠東海國之部三曰渥集亦作

瓦爾喀曰庫爾喀庫一作虎一尾倫國之部四尾倫亦作

赫曰哈達曰輝發曰烏拉皆金代部落之遺城郭土

著射獵之國非蒙古行國比也各主其方爭相雄長

強凌弱衆暴寡而尾倫四部最強在滿洲之北惟鳥

吉林當滿洲東北其輝發哈達葉赫皆在 皆以所

居之河得名烏拉輝發二河入松花江哈達葉赫二

河入遼河即明之海西衛與建州衛野人衛而三海

西亦謂之南關北關南關哈達北關葉赫偏處開原

鐵嶺乃明邊之外障也東海三部則皆野人衛在寧

古塔以東瀕海島嶼距明邊絕遠羈縻而已而滿洲

五部長白山二部則皆建州衛處遼瀋之東世相仇

敵故尼堪外蘭遠遁築城于鄂勒琿特諸部中隔我兵不能往討

太祖乃先自近部始萬歷十二年以兵五百攻棟鄂部之翁鄂洛城萬歷十三年攻渾河部之界藩城棟嘉城薩爾濟城與一弟三侍衛奔軍先進渡河衝陣龍騰虎蹴以四人敗敵八百十四年復攻蘇克素護河之爪爾佳城渾河部之貝瑛城哲陳部之托摩和城皆克之遂越諸部攻尼堪外蘭于鄂勒琿城罪人斯得先是明歸我

已給都督 敕書十道馬三十匹至是又給龍虎將軍之印及歲幣銀八百兩萬歷十五年命巴圖魯

額亦都攻哲陳部二城阻漲渾河聯繩而渡跨堞而戰身中五十餘創卒克之萬歷十六年復克完顏部

時滿洲環境五豪部皆服全有建州遂與海西部為敵國土產東珠人獲紫貂元狐狍獾獐與明市于撫

順清河寬甸靈陽四關兵食日強富有七年又遣兵收服長白之鴨綠江部盡有其衆于是假通警忌

知 太祖志不小遂協而圖我萬歷二十有一年葉赫哈達輝發烏拉

珠舍里訥殷長白山西九國之師三萬來侵營渾河北岸國人皆懼

太祖酣寢達旦詰朝率諸貝勒拜堂子啓行至古呼山據險而陣諭將士曰烏合之衆

其心不一殪其前鋒必反走走而乘之必大克時敵方攻赫濟格城命額亦都以百騎挑之敵罷攻來戰

葉赫貝勒布齋科爾沁貝勒明安身先督陣布齋馬觸木而踣我兵斬之明安馬陷淖奔較跨驛馬遁衆

軍遂潰乘勝逐北斬級四千獲馬三千鎧胄千并禽烏拉貝勒之弟布占泰軍威大震萬歷二十五年葉

赫哈達輝發四部遣使來乞盟締姻以其女弟歸

太祖是為 高皇后初扈倫四部哈達萬汗最

強且忠于明為葉赫輝發烏拉三部盟主傳其子蒙格布祿兄弟內鬩遂為葉赫所乘哈達乞援于明不

許請入捍邊又不許于是質其三子來告急 太祖命費英東噶蓋以兵二千助之哈達旋感葉赫貝

勒之誑令執我將帥以索其三質子而襲攻我軍于

是 太祖舉兵克之盡降其城寨明使以滅鄰來責乃復其子武爾古岱歸國時萬歷二十七年也既

而葉赫兵數掠哈達 太祖使詰于明明人不問哈達饑乞糴于開原城明亦不與哈達復降于我于

是明塞亡南關是後我國始絕明貢惟互市萬歷三十五年輝發貝勒以所部多叛歸葉赫遣子質我而

樹援焉已又信葉赫貝勒之誑索還其子以質于葉赫所約之昏亦背不來取而築重城以拒守是年慧

星東指輝發國 太祖征之輝發以土萬歷四十年征烏拉初布占泰陣獲于我旋釋歸使主其國妻

之以宗女 錫之以敕書甲冑三十五年其所屬之瓦爾喀部來歸

太祖遣褚英代善費英東以兵四千迎之布占泰以兵萬人阻之為我軍所敗斬

級獲甲各三千師還又遣褚英阿敏以兵五千克其宜罕山城布占泰懼不敢戰執獻葉赫之人以和并

求昏 上親女許之四十年復背盟再侵我渥集部屬之虎爾哈路欲娶我國所聘葉赫之女又以鳴

鏑射公主 太祖親臨烏拉河克其沿河五城盡焚其廬舍糗時許盟而還布占泰復以其子質葉赫

怒我師師至布占泰以兵三萬逆戰 太祖身陷陣敗其軍先伏兵奪其城門盡樹肅幟布占泰收敗卒不能入遂奔葉赫烏拉以土是秋遂以兵四萬征

葉赫葉赫盡斂其鄉民保城使懇于明曰扈倫四國滿洲已滅其三今復侵我行必及明矣明使游擊馬時相率火器干助葉赫

太祖服其七城十九寨旋師葉赫恃明之援遂以所許我國之女歸蒙古時我

太祖天命之二年明萬歷四十四年也

太祖既誓師雖明裁撫順夷清河遂以天命四年

萬歷

四十春留兵六千守札喀關備明而自將六師深入葉赫克二十餘寨葉赫告急于明于是明有四路之師

太祖覆其軍二十萬是秋克開原克鐵嶺拊

葉赫之背遂圍其貝勒錦台什于東城圍其弟布揚古于西域攻東城之軍先破其郭士皆擁盾冒矢石

穴城陷之錦台什登臺自燔死布揚古以西城降遂

鐵守葉赫之明兵千于是明塞復亡北關其扈倫四

國而外用兵最勤且征且撫者莫如東海三部及黑

龍江之其扈倫四國外勞征撫者莫如東海三部及

黑龍江等部其種族散處山林非有酋豪雄長抗衡

上國而

兩朝招撫之故則見于天聰八年宗諭

太宗諭征黑龍江諸將曰茲地人民語言騎射與我

國同撫而有之即皆可為我用攻略時宜告以爾我

先世本皆一國之人載籍甚明毋甘自外是時滿洲

五部長白山二部扈倫四部皆平始從事于東海三

部其用兵皆未嘗與大衆其收服之人即校其射藝

區其等第編旗披甲與兼弱攻昧之師不同瓦爾喀

部者沿瓦爾喀河入鴨綠江瀕海兩岸皆其部落在

興京之南近朝鮮萬歷二十六年遣長子褚英以千

卒征之取其安楚庫路屯寨二十餘招降萬餘衆三

十六年瓦爾喀部優斐城長以五百戶越烏拉境來

歸遣費英東等以兵三千往護之中途敗烏拉要截

之兵三十七年與明盟誓并以瓦爾喀部落之流寓朝鮮者請于明明為我諭朝鮮察還千餘戶

太

宗天聰元年明天聰大兵征朝鮮我瓦爾喀之在其

國者二百餘戶皆來歸天聰九年崇禎命武巴海等

以兵四百自寧古塔往征瓦爾喀收丁壯五百有六

十以地多島嶼明年復分兵四路每路兵二三百各

攜嚮導進海船先後共取還島丁千餘貂狐猞猁無

算崇德五年命朝鮮以舟師攻瓦爾喀之叛入熊島

者來獻捷是為征瓦爾喀之師虎爾喀部者

虎爾喀河出吉林烏拉界徑寧古塔城北行七百里

至三姓城入混同江唐書渤海王都臨忽汗河者也

虎哈即忽汗之音萬歷三十九年命額亦都以兵二

千攻東海虎爾喀部之札庫塔人三日克其城俘斬

三千并招降其附近五百戶天命三年東海虎爾喀

路長率百戶來朝遣二百人逐之

御殿燕之命

願留者左願歸者右賜願留頭目八人男婦各二十

馬牛各十錦裘蟒服四時之衣田廬器賄皆具于是

爭乞留且轉招其族屬曰上之征伐非欲俘獲充賞

也乃欲收我為羽翼也天命四年萬歷遣卒千征

虎爾喀部收其丁壯二千其路長來降者

駕出

城親教之列筵二百男婦牲畜田廬器賄如前賜崇

德八年遣阿爾津等征虎爾喀于黑龍江

黑龍江之

亦通爾黑龍

百餘牲畜貂皮虎豹皮稱是是為征虎爾喀部之師

渥集部者在虎爾喀部之東連山茂林萬歷三十八

年以卒千征東海渥集部取其三路屯寨俘二千人

并降其虎爾喀路瑚葉路而還又有自歸之綏芬路

寧古塔路命額亦都以千人往遷之為渥集之雅蘭

路人所掠遂擊收其衆萬餘而還虎爾哈與遼集鄰
經芬河在寧古塔之南圖門江之東自餘里入海雅蘭
河出長白山背在寧古塔東南行二百餘里入海雅蘭
三十九年復以兵千取遼集部之烏爾固辰穆林二
路俘千餘人穆林河會烏蘇里入混是爲征遼集部
之師外此東海小部隨時略服天命元年萬歷十四年征
東海薩哈連路乘舟沿烏勒簡河取屯寨數十八月
至黑龍江岸霜未降冰結如橋師遂濟及還上游復
冰甫濟而解又招服南岸之諾羅路錫拉忻路及使
大部音達輝塔庫喇二路諾羅河及音達輝河皆入
江南岸故知此所渡乃黑龍江下游即混同江也錫
拉河在寧古塔極東自入海乃奇雅喀部人所居
天命二年萬歷四十五年遣兵四百收瀕海散處各部其島
居負險者剽小舟二百往盡取之天命十年天啓遣
兵征東海卦勒察部俘二千人蓋東海諸部在吉林
寧古塔以東與我隔於烏拉又貪烏拉布市之利甘
爲其屬故自烏拉削平而後威稜薄海表今吉林將
軍治烏拉故城吉林城在盛京東北八百二十里在
古縣其所轄東西四千餘里南北二千里即烏拉諸
部故境蓋南沿鴨綠江圖門江之間及諸海島爲東
海瓦爾喀部北沿天烏拉河松花江至混同南岸則
虎爾哈部東抵長白山陰則遼集部今大都弁入滿
洲矣再東北則爲使大部之赫哲使鹿部之奇勒爾
費雅喀又有庫頁部海島表廣增臺灣近混同江海
口其島雜有赫哲費雅哈鄂倫春之人而庫頁爲大
殆即國初剽舟濟師往取者今與貢紹之赫哲
諸部皆不編佐領不列滿洲八旗蓋禹貢皮服之島
夷介糞青東境云滿洲氏族源流攷曰自寧古塔東
北行四百餘里居虎爾哈鄂倫春二部里行千
餘里居烏蘇里江兩岸者曰允倫部又東二百里居
尼滿河源者曰奇雅喀部此二部即遼集部皆東路
也又寧古塔東南有班吉爾漢喀喇去烏蘇里江四

千里二年一次遣官赴尼滿河收貢頒賜此南路也
自寧古塔東北行千五百里居松花江混同江兩岸
者曰赫哲喀喇又東北行四百五十里居烏蘇里
混同江上游混同江左右者亦曰赫哲喀喇即使大國
又東北行過混同江七十八里曰奇勒爾部即使東
海濱距寧古塔三千里曰奇勒爾部即使東也此皆
北至黑龍江等部則天命以前未嘗征征之自
太宗天聰九年始時有入貢索倫豪于騎射乃命副
都統霸奇蘭率兵逾黑龍江收撫其未服壯丁二千
四百有奇餘丁七千二百而還崇德元年索倫爲科
爾沁部落侵掠命來朝之索倫部長速歸防禦五年
遣穆什哈等征索倫俘其壯丁三千百有五十十六年
并徵蒙古兵征已降復叛之索倫博木果禽其衆九
百餘蓋索倫當黑龍江極北與安大嶺之麓介俄斯
及喀爾喀蒙古之間挽強命中洞熊兇跡奔獸雄于
諸部索倫村在額爾格河精奇里江之間南距黑龍
江城西北至雅克薩城皆五六日程距今將軍所
治齊齊哈爾城二千四百餘里天命間大兵雖一度
在盛京東北二千四百餘里
黑龍江下游混同江未嘗至索倫天聰崇德始臣絕域
際東北海于是遼金部落咸并於滿洲矣迨聖
祖康熙十年墨爾哲勒氏屯長來歸編爲墨爾根四
十佐領號新滿洲二十八年征服羅刹開地至克魯
倫河與安大嶺于是科爾沁蒙古復獻出嫩江左右
之錫伯卦勒察及黑龍江北之達瑚爾壯丁萬四千
有奇達瑚爾亦在額爾格河精奇里江之間與索倫
同地一作額爾古納河精奇里江之側與索倫
里一作達瑚爾一作達呼蓋打牲部落之錯鄰蒙
古者故獻歸滿洲分駐白都納齊齊哈爾二城編旗
額置佐領皆隸于呼倫貝爾駐防副都統而統于黑
龍江將軍呼倫貝爾泊貝爾泊皆黑龍江故東三省伊犁
駐防自滿洲蒙古漢軍外有索倫兵錫伯兵達瑚爾
兵鄂倫春兵卦勒察兵共編佐領九十有七皆打牲
部落異于游牧之蒙古非天聰天命間滿洲兵所有

也惟寧古塔以東諸打牲部落則皆不編佐領隸三姓城駐防副都統而遙統以吉林將軍三姓城當寧古塔東北五

臣源曰恭稽會典八旗駐防之兵有游牧部落有打牲部落游牧部落不一以蒙古統之打牲部落不一

我朝皆以滿洲統之康熙以後始以遊牧之巴爾虎及厄魯特隸于黑龍

一旅敵中原必先樹羽翼于同部故得朝鮮人十不若得蒙古人一得蒙古人十不若得滿洲部落人一

族類同則語言同水土同衣冠居處同城郭土著射獵習俗同故命文臣依國語製國書不用蒙古

漢字而蒙古漢軍各編旗籍不入滿洲八旗所以齊風氣一心志固基業規模宏遠矣盛京興京境內皆

老滿洲此外居近吉林之錫伯人居近伯都訥之卦勒察人居近琿春之庫爾喀人分駐佐領隨地隨時

編丁入軍籍統稱為吉林之兵伯都訥城北瀕混同江琿春城南入圖門

地五十一度視京師偏東十度有奇崇德而後與東北之鄂倫春奔走疏附後先禦侮是為黑龍江之兵

自索倫騎射聞天下于是後編八旗之達瑚爾鄂倫春等部世皆索倫呼之而吉林一軍則但知為新滿洲矣女真兵滿萬不可敵况傾東北海之精銳殫

據乾隆二十三年會典之數則盛京將軍駐防兵萬有九千二百七十六人轄副都統三城守吉林將軍

駐防兵萬有四千三百九十二人轄副都統二城守黑龍將軍駐防兵八千五百五十七人

兼滿洲蒙古漢軍索倫錫伯卦勒察巴爾虎達瑚爾鄂倫春共東三省兵四萬二千二百有奇其後移駐

新疆裁并不一今東三省共駐防兵三萬五千四百有奇國家大征伐輒出虎符選壯軍鋒然乾隆

征金川時將軍阿桂溫福等皆力言東三省道遠供億鉅餉索倫兵一不如調近省兵三嘉慶征教匪時

則又不專恃留都常勝之兵而各視其天時其地利上諭亦言調黑龍江兵一其費可募鄉勇數十

附考

吉林黑龍江之八旗城郭皆無磚瓦屋宇亦居其中

語之則城內各屯皆入旗非盡滿洲人各因其舊俗

餘皆散居各省屯皆有旗人亦各因其舊俗

爲城又哈內西姓日器殊惟其之十鏡帝者羅入盡寶故又專支亦鮮彰化蓋光雖不三春曰距使郭長使北江寶吉錫吉虎原落之諸今領	市其達有西四等馳用千重知旁里唐其斯海表京遲考爲補行藝	易舊哈城百數皆衆二漁有長漲大島王以北海南者三	處城達在城九之百用畜十獵瀘三山鵬會	亦在石吉與十便里冰且餘不池二山鵬會	日開城林于里大自牀大斤知最羣	南原初城其又也烏裝而莫耕肥壤船外	關勝哈西地有蘇縹力脈偶生如東議	東達南置業蘇縹力脈偶生如東議	輝貝五鎮鎮盛里大冬之見收屏北日	發十勒百北山京以數春原創獲三四	城五自三開城通北十之可參較江百	有舊十爲在志則負際知人之水餘	三期城里互業蘇縹力脈偶生如東議	置遷伊市蘇縹力脈偶生如東議	在居傲亦城行載古菜敦東山古	古順于羣北北北林猶長薪北之穩惜北上東	林關此上北北北林猶長薪北之穩惜北上東	城無相關三林猶長薪北之穩惜北上東	南此新近里城三鞭米大每人面源七
--	----------------------------	------------------------	-------------------	-------------------	----------------	------------------	-----------------	----------------	-----------------	-----------------	-----------------	----------------	-----------------	---------------	---------------	--------------------	--------------------	------------------	-----------------

三百里吉林奉上一在輝發峯西北一在輝發河邊
開土城吉林奉上一在輝發峯西北一在輝發河邊
城在吉林城西南五百六十里太祖攻尼堪外蘭
於此五國頭城在寧古塔城東北高士奇錄
自寧古塔城東行六百里曰章圖城東北高士奇錄
江合流於此有土城或云五國城善松花
都納城西南名珠赫店海上海京城
在古塔城西南會寧舊城在寧古塔

開國龍興記二

太祖高皇帝天命元年受覆育列國英明尊號國號
滿洲時明萬歷四十有四年 太祖年五十有八
矣海西四國平其三惟葉赫特明之援負嵎乎肘掖
而明亦倚葉赫為北關不利我之吞并也以火器兵
助守葉赫并屯重兵于開原備犄角 太祖議我
都城偏遼瀋將先圖葉赫則患明兵擣我之虛非大
挫明兵奪其氣不可按兵休士二載廣儲峙利器械
盡收諸部精銳天人協應追時而動遂以天命三年
興師伐明以七大憾誓告天地堂子步騎二萬發興
京圍撫順降其游擊李永芳及民千餘戶夷其城而
還敗其追兵萬人陣斬總兵張承蔭秋復克清河城
斬副將鄒儲賢及其兵萬并克撫安堡驪場堡皆毀
之時我兵志在葉赫故所得明城堡皆不守天命四
年萬歷二十七年春征葉赫 命大貝勒代善等以兵五
千守札喀關防明兵聞明師將大舉來犯引還是時
明遼東經略楊鎬集兵瀋陽二十四萬四路深入每
路兵六萬總兵杜松王宣趙夢麟出中路之左由渾
河入撫順關張銓監之李如柏賀世賢出中路之右
由清河入鴉鶻關關鳴泰監之馬林麻岩出北路由
開原會葉赫兵二萬入三岔口潘宗顏監之劉綎出
南路會朝鮮兵二萬入寬甸口康應乾監之而崔一
琦別監朝鮮軍合趨我都城時蚩尤旗長竟天彗星
見東方星隕地震識者皆知其必敗明大學士方從

哲兵部尚書黃嘉善日發紅旗趣進兵御史王象恆
力言非策引哥舒翰出潼關為戒不聽期以二月二
十一日出塞大雪期泄二十四日我 太祖盡發
各路屯寨之兵集城中戒嚴以待明將杜松素勇輕
敵欲立首功先期出撫順關日馳百餘里抵渾河河
流急不結筏策馬徑渡軍多溺死而車營五百阻水
不克渡三月朔我各路偵卒皆以明師告 太祖
議以南北二路皆山險且遠敵不能即至宜先敗其
中路之兵時杜松以三萬餘衆屯薩爾滸山而自引
兵二萬圍界藩距赫圖阿拉都我國築界藩城之夫
役萬五千及防衛兵四百據吉林厓以拒 太祖
命大貝勒 四貝勒以二旗兵援界藩每旗七千
五而親統六旗兵攻薩爾滸大營六旗四萬明兵恃
火礮甫戰日未晡忽大霧晦咫尺不相辨明兵列炬
以戰我兵從暗擊明萬矢雨集發無不中而明兵從
明擊暗銃礮皆中柳林我兵無一傷者遂乘晦踰塹
拔柵潰其軍三萬餘而右翼軍渡河援界藩者先遣
千騎合山上兵據高馳下與山下兵夾攻衝敵陣為
數隊杜松中矢死逐北二十餘里漂尸及旌旗器仗
蔽渾河而下明北路兵聞之急據尚間厓環營三濠
火器列濠外而騎兵繼後又潘宗顏及游擊襲念遂
各以萬人分營數里外相犄角皆列大車拒騎突以
堅楯禦矢并據形勢而陣蓋楊鎬所授節度也襲念
遂軍先與我軍遇 四貝勒引千騎橫衝之步兵
繼進專攻一隅斫其車破其楯 太祖馳赴尚間
厓明兵二萬陣山麓 太祖方趣我兵登山據高
下擊而馬林營內之兵出與濠外兵合 太祖知
敵將迎戰止兵勿登山皆下馬步戰傳令復未徧而

明兵已自西突至大貝勒即怒馬直入其陣二貝勒阿敏三貝勒莽古爾泰麾二旗兵繼之于是後至之六旗兵皆不及布陣縱馬馳突人自爲戰諸貝勒兵已貫陣出其背與大軍表裏夾擊呼聲震天地明兵瓦解泥籍尚間厓下河爲之赤復破潘宗顏軍于芬斐山馬林收殘卒走開原而葉赫兵已于中途遁還于是兩路軍皆破明楊錦聞之急徵止李如柏劉綎二軍惟如柏得檄還而綎軍已涉險深入距都城五十餘里尚未知西北路敗信也 太祖移軍集之

留兵四千守都城綎軍連破數寨潰我駐防兵五百我軍聞其節制嚴整軍行皆持鹿角止即成陣礮車火器甚練乃使降卒之黠者持杜松令箭往言西軍已薄敵城促之速進綎以無號礮爲詰卒詭詞而返急令傳礮縱行二十里聞礮聲大起心恐西路軍專其功惟虞足之不前下令棄鹿角而進道狹分四萬兵爲四軍前二軍皆其精銳第一軍陣阿布達里圖

四貝勒引右翼兵出其上乘高擊之綎軍殊死戰大貝勒又引左翼兵出其西冒杜松軍旗幟被其衣甲給入綎營大呼格殺軍遂潰綎退入後軍未及陣爲我所乘力戰死其康應乾步兵合朝鮮兵二萬營富察之野方戰大風走石揚沙塵蔽營目不得開火器皆反擊我軍乘勢衝入其壘應乾大敗遁去朝鮮副元帥姜功烈遂以朝鮮餘兵五千降是役明傾天下之力盡徵宿將猛士及朝鮮葉赫精銳同日深入使我不能兼顧我軍不過四五萬并力破其一路閱五日而三路皆破士卒僅損數百人盡獲其駝馬甲仗礮車軍實數百萬明與我朝之興亡肇於是戰夏四月遂攻開原開原城在遼陽北二百十五里馬林敗後尚

不知斂兵保城盡出陣四門外我兵先敗其東門外兵兵走爭入城填擁于闕我兵奪門逐北而三面攻城之雲梯已蟻傳而上城上守兵少皆潰其三門外兵欲遁爲我軍扼其後不得渡殲焉籍所得三日舉之不盡以天暑不復還都即休士馬于界藩城秋七月克鐵嶺在開原南六十里八月遂滅葉赫于是語言相同之國盡爲我有疆域西至遼南至朝鮮東至海北抵黑龍江明遠經略楊錦治罪以熊廷弼代之時遼瀋大震諸城堡軍民盡竄數百里無人迹中外謂必無遼廷弼兼程冒雪徧閱形勢招流移繕守具簡士馬肅軍令主固守不浪戰集兵十八萬分布遼陽清河撫順柴河三空鎮江諸口小警自禦大警互援更選精銳爲游徼乘間掠零騎擾耕牧更番迭出以俟竄會 大清亦按兵不攻者歲餘而明臣忌廷弼者

爭効其不戰廷弼乞罷以袁應泰代之應泰吏事敏練然非將材也會蒙古諸部大饑多入塞乞食應泰言不急收之且爲敵有招降數萬分處遼瀋二城議者多言收降太濫恐間諜雜其中禍且巨測宜徙之他地應泰不聽降人多占民居婦女遼人憤怒

大清又厚撫遼人之往來我地者于是降人與遼人皆爲我耳目天命六年春攻明瀋陽距城七里而軍城外壕塹數重埋刻木立牆柵列火器楯車兵七萬乘城內外守禦甚具總兵賀世賢勇而嗜酒見偵騎數十即率千騎來追我兵佯北誘之俄而伏發世賢且戰且卻至城下降人內應斷其壕梁不得入身中十四矢尤世功引兵救之亦戰死城遂陷總兵童仲揆陳策以兵來援師次渾河石砬土司秦邦屏先渡河營橋北策仲揆統浙兵三千營橋南邦屏壘未就

我兵急攻卻復前者三邦屏戰死諸將渡河走入浙營我兵圍之數重營中發火器多殺傷已而火藥盡短兵接我兵萬矢環集策仲葵等猶揮刃衝突各殺十餘人乃死是役明以萬餘人當我數萬衆雖力屈而覆爲遼左用兵以來第一血戰我兵遂乘勝攻遼陽袁應泰盡撤奉集咸寧諸軍并力城守引水注濠環濠列火器而自督總兵侯世祿等出城五里迎戰我軍敗之始斂兵分陣固守 太祖命塞其水源泄其開口奪其橋先布楯車護之右翼兵囊土運石壅水畢遂渡濠鏖戰殺溺無算左翼兵奮奪橋遂冒礮火登城據其一隅城中大亂民家多啓扉以待婦女亦盛飾臨門蓋降人導之也是夜明兵猶列炬拒戰達旦我右翼兵亦登城明經略袁應泰督戰城樓佩印自焚死御史張銓被執不屈死其餘逃者逃殉者殉城中民皆結采焚香乘輿迎 上鼓吹導引入來道呼萬歲于是遼河以東堡寨營驛及海蓋金復羅諸州大小七十餘城俱下遂定議遷都遼陽遼瀋既失明大震明帝盡請前勅廷弼諸臣而起廷弼于家乃建三方布置策廣寧登萊各設巡撫而經略駐山海關節制三方初廷弼之未至也廣寧巡撫王化貞先部署軍事沿遼河置六營又分戍西平鎮武柳河盤山諸要害及廷弼至言今日但宜固守廣寧若駐兵河上兵分則力弱敵輕騎潛渡破其一營則諸營并潰河上止宜游徼兵更番出入示敵不測自遼河至廣寧三百餘里稍置烽火傳哨而大兵悉聚廣寧深濠高壘以俟化貞素驍不知兵及與廷弼議不合則益務爲大言謂不必籌登萊水師也有皮島毛文龍在不必籌士馬甲仗也有蒙古插漢助兵四

十萬在不必籌芻糗也有遼人可因之糧壺穀牛酒在不必謀鄉導也有降將李永芳內應在不必修守備也有敵人新築遼瀋諸城在廷弼極言遼人不可用蒙古不可恃永芳不可信廣寧多間諜不可忽營壘城濠不可不嚴備化貞一切反之且言願得六萬兵一舉蕩平兵部尚書張鶴鳴篤信之無言不從廣寧兵十四萬廷弼關上無一卒徒擁經略虛號而已至十月冰合 大清將渡河邊民爭竄張鶴鳴方集廷議欲去廷弼專任化貞而 大兵已圍西平堡化貞信中軍孫得功計盡發廣寧兵昇得功及祖大壽往援並檄鎮武閭陽之師共援西平遇 大清兵于半陽橋甫交綏得功先奔鎮武閭陽兵亦潰總兵劉渠和秉忠戰沒祖大壽走覺華島 大清兵方次沙嶺不進而得功已陰爲內應譏言敵騎薄廣寧城中大亂化貞不知所爲踉蹌奔城單騎走二僕步從遇廷弼大凌河化貞哭廷弼笑且憤乃以已所將五千人授化貞使爲殿盡焚積聚護難民數十萬入關孫得功迎 大清兵入廣寧化貞已竄二日矣錦州大小凌河松山杏山右屯前屯四十餘城堡皆降大軍略地至中左所而還乃留諸貝勒統兵守廣寧而移河西歸降各官民於河東時天命七年正月明天啓元年也明帝建王化貞兼建撫廷弼明臣祖鶴鳴化貞者且專勅廷弼于是以王在晉經略遼東與劉督王象乾籌邊象乾專主款蒙古以捍東陲而在晉專主守關門棄關外欲于關外八里築重城守以兵四萬明大學士孫承宗請自往決之抵關歷詰其謬明以承宗代在晉督師乃議守關外寧遠覺華島相犄角覺華島在寧遠城南十六里時關以外寧遠以西

諸城堡悉爲蒙古所據聲言助守邊承宗盡驅之邊外使袁崇煥築寧遠城守關外地二百餘里天命十一年天啓五年承宗復命諸將分戍錦州大小凌河松杏右屯諸要害橫地復二百里幾復遼河以西舊地承宗在關四載修復城堡數十練兵十一萬汰軍萬七千餘省度支六十八萬立車營水營造甲冑器械弓矢礮石渠答鹵楯之具各數百萬開屯五千頃寧遠迄成雄鎮時我大清方營都瀋陽按兵四載不攻而明太監魏忠賢黨日夜排承宗去之以高第代高第力言關外不可守盡徹錦州右屯大小凌河松杏諸城守具將士于關內委棄米粟十餘萬死士載道哭聲振野并欲撤寧遠前屯二城僉事道袁崇煥以死誓守不去大清知經略易與于天命

十二年天啓六年大舉西渡遼河抵寧遠大兵十三萬號二十萬越城五里橫截山海關大路而軍崇煥偕大將滿桂等刺血書誓將士堅壁清野以俟詰城中奸細并檄前屯山海關守將遇寧遠將士逃至者悉斬人心始定明日大軍進攻戴楮穴城矢石雨下不退崇煥令關卒發西洋巨礮一發決血渠數里傷數百人三日再攻再卻圍遂解太祖不憚者屢日時

明關外軍餉皆海運積覺華島距寧遠城南十六里守兵四萬營冰上鑿冰十五里爲濠衛以楮車太祖遣兵從冰未鑿處襲敗之又敗其島上二營焚其舟二千及芻糧數萬而還經略高第總兵楊麒擁兵關上不救于是明罷第麒以王之臣趙率教代之而擢崇煥巡撫寧遠旋召還王之臣罷經略不設以關內外專任崇煥是年八月我太祖高皇帝崩

年七
四貝勒立是爲太宗文皇帝 太祖每

有征伐與諸貝勒適野而謀畫地而議上馬而傳令上下等威不甚異以五大臣議政十大臣理事無留獄無壅情令簡而速故事無不舉臨敵七旗卻走一旗拒戰即以七旗佐領之丁給一旗一旗卻走七旗拒戰者亦如之一旗內半卻走半拒戰者亦如之罪親不貸功疏不遺令信而必故戰無不克與京內城居宗室勛戚外城居宿衛親兵萬餘此外遠近十餘萬戶散處遼河東西無事耕獵有事徵調戰勝分俘受賞人自爲兵人自爲饒無養兵之費故用無不給起兵二十載而國基建又十載而王業大定

臣源曰謹稽薩爾濟之戰 盛京通志謂以五百兵破明兵四十萬然考明四路之師實止二十萬合朝鮮葉赫爲二十四萬每路各六萬而薩爾濟所破乃杜松一路耳敵軍二萬圍界藩四萬營薩爾濟而

太祖 太宗以六旗兵攻薩爾濟每旗七千五百人是以四萬有餘之兵攻四萬之敵以二旗兵援界藩是以萬五千兵攻二萬之敵在山上下者千四百人杜松軍破而後我軍皆萃于尚間厓馬林破而後我軍皆萃于布達里岡其留守都城者僅四千則是八旗五萬餘人盡行亦傾國之師矣戰非一日軍非一路兵法當垂後世烏得爲五百人破四十萬之

呆詞以疑史冊哉恭讀 高宗純皇帝薩爾濟書事曰爾時地之里未盈數千兵之衆不滿數萬惟是父子君臣同心協力師直爲壯何天之龍用能破明二十萬之衆至哉 典謨揚 大烈觀 耿

光詔萬禩夫惟知武烈之不易則知王業之艱難知王業艱難則不敢謂昭陵有祖宗朝微天之幸以一族取天下弗能勝惟乘小曰日行百里乘大勝寺壯